

আন্তর্জাতিক

মুসলিম যাত্রীদের জন্য মার্কিন বিমানবন্দরে বসছে অজুর বিশেষ ব্যবস্থা

প্রতিবেদক: আন্তর্জাতিক ডেস্ক

প্রকাশের তারিখ: শনিবার, ১৫ আগস্ট ২০২৬, ০৯:৫৭ AM



মুসলিম যাত্রীদের নামাজের আগে অজু করার সুবিধা দিতে ডালাস ফোর্ট ওয়ার্থ ইন্টারন্যাশনাল এয়ারপোর্টের টার্মিনাল ডি-এর পুরুষ ও নারীদের রেস্টরুমে আলাদা অজু স্টেশন বসানো হচ্ছে। প্রায় ৩ লাখ ডলারের এই প্রকল্প চলতি বছরের শেষ নাগাদ শেষ হওয়ার কথা।

টেক্সাস ডিপার্টমেন্ট অব লাইসেন্সিং অ্যান্ড রেগুলেশনের নথি অনুযায়ী, প্রকল্পটি গত ৩১ জুলাই আনুষ্ঠানিকভাবে নিবন্ধিত হয়েছে। টার্মিনাল ডি-এর কনকোর্স লেভেলে থাকা একটি পুরুষদের রেস্টরুমে একটি এবং একটি নারীদের রেস্টরুমে আরেকটি অজু স্টেশন স্থাপন করা হবে।

প্রকল্পের পুরো অর্থ আসছে বেসরকারি তহবিল থেকে। নির্মাণ ব্যয় ধরা হয়েছে প্রায় ৩ লাখ ডলার। পরিকল্পনা অনুযায়ী, ২০২৬ সালের শেষ নাগাদ নতুন অজু স্টেশনগুলোর কাজ সম্পন্ন হবে।

ইসলামে নামাজের আগে অজু করা একটি গুরুত্বপূর্ণ ধর্মীয় বিধান। অজুর সময় মুখ, হাত ও পাসহ শরীরের নির্দিষ্ট অংশ পানি দিয়ে ধুতে হয়। সাধারণ রেস্টরুমের উঁচু সিঙ্গে পা ধোয়া অনেক যাত্রীর জন্য অসুবিধাজনক। এ কারণে নিচু উচ্চতায় বিশেষভাবে তৈরি অজু স্টেশন ব্যবহার করা হয়।

ফরাসি নিউজের প্রতিবেদনে বলা হয়েছে, ধর্মীয় প্রয়োজন পূরণের পাশাপাশি নিরাপত্তা ও রেস্টরুমের অবকাঠামো রক্ষার বিষয়টিও নতুন ব্যবস্থা নেওয়ার পেছনে রয়েছে। সাধারণ সিঙ্গেল পা ধোয়ার সময় মেঝেতে পানি পড়ে সেটি পিচ্ছিল হয়ে যেতে পারে। একই সঙ্গে সিঙ্গেল কাউন্টারের ওপর অতিরিক্ত চাপ পড়লে ক্ষতির ঝুঁকিও থাকে। আলাদা অঙ্গ স্টেশন থাকলে এই সমস্যাগুলো কমানো সম্ভব হবে।

তবে ডালাস ফোর্ট ওয়ার্থ বিমানবন্দরে মুসলিম যাত্রীদের অঙ্গুর ব্যবস্থা একেবারেই নতুন নয়। বিমানবন্দর কর্তৃপক্ষের তথ্য অনুযায়ী, টার্মিনাল ডি-এর গেট ডি৪০-এর কাছে থাকা ইন্টারফেইথ চ্যাপেল ২০১৯ সালে নতুনভাবে চালুর সময়ই এর পাশে দুটি অঙ্গ স্টেশন স্থাপন করা হয়েছিল। নতুন প্রকল্পের মাধ্যমে এবার সরাসরি টার্মিনাল ডি-এর সাধারণ পুরুষ ও নারীদের রেস্টরুমে আলাদা অঙ্গ স্টেশন যুক্ত হচ্ছে।

টার্মিনাল ডি মূলত ডালাস ফোর্ট ওয়ার্থ বিমানবন্দরের আন্তর্জাতিক ফ্লাইট পরিচালনার গুরুত্বপূর্ণ কেন্দ্র। এখানে বিভিন্ন আন্তর্জাতিক এয়ারলাইনের ফ্লাইট ওঠানামা করে। ফলে বিশ্বের বিভিন্ন দেশ থেকে আসা মুসলিম যাত্রীদেরও প্রতিদিন এই টার্মিনাল ব্যবহার করতে হয়।

যুক্তরাষ্ট্রের বিমানবন্দরে এ ধরনের সুবিধা ডালাসেই প্রথম নয়। শিকাগো ও হেন্সহাউসহ কয়েকটি বড় আন্তর্জাতিক বিমানবন্দরে মুসলিম যাত্রীদের জন্য অঙ্গ করার বিশেষ ব্যবস্থা এবং বিভিন্ন ধর্মের মানুষের জন্য ইন্টারফেইথ প্রেয়ার স্পেস রয়েছে।

ডালাস ফোর্ট ওয়ার্থ বিমানবন্দরেও দীর্ঘদিন ধরে বিভিন্ন ধর্মের যাত্রী ও কর্মীদের জন্য ইন্টারফেইথ চ্যাপেল পরিচালিত হচ্ছে। বিমানবন্দর কর্তৃপক্ষের তথ্য অনুযায়ী, টার্মিনাল ডি-এর চ্যাপেলে শুক্রবার মুসলিমদের জুমার নামাজের ব্যবস্থাও রয়েছে।


নতুন অঙ্গ স্টেশন স্থাপনের পরিকল্পনা প্রকাশের পর সামাজিক যোগাযোগমাধ্যমে বিষয়টি নিয়ে আলোচনা তৈরি হয়েছে। কেউ কেউ ধর্মীয় সুবিধা দেওয়ার বিষয়টি নিয়ে প্রশ্ন তুললেও অন্যরা এটিকে বিশ্বের অন্যতম ব্যস্ত আন্তর্জাতিক বিমানবন্দরের যাত্রীসেবা, পরিচ্ছন্নতা ও নিরাপত্তা ব্যবস্থার অংশ হিসেবে দেখছেন।

প্রকল্পের সরকারি নথিতে অবশ্য এর পরিধি স্পষ্ট। টার্মিনাল ডি-এর বিদ্যমান রেস্টরুমে পুরুষ ও নারী যাত্রীদের জন্য দুটি আলাদা অঙ্গ স্টেশন যোগ করাই এর মূল কাজ। এর ফলে মুসলিম যাত্রীরা নামাজের আগে অঙ্গ করার জন্য সাধারণ সিঙ্গেল ব্যবহারের পরিবর্তে নির্ধারিত জায়গা ব্যবহার করতে পারবেন।

এ বিভাগের আরও খবর



তেহরান শিগগিরই [নিউ ডেভেলপমেন্ট ব্যাংক] যোগ দিতে চলেছে: ইরানি গভর্নর
ব্রিক্স শীর্ষ সম্মেলনে যোগ দিতে ভারতে আসছেন ইরানের প্রেসিডেন্ট মাসুদ পেজেশকিয়ান। আগামী ১২-১৩ সেপ্টেম্বর নয়াদিল্লিতে
অষ্টাদশ ব্রিক্স শীর্ষ সম্মেলন...



ইন্দোনেশিয়ায় ফের শক্তিশালী ভূমিকম্প

ইন্দোনেশিয়ায় এক দিনের ব্যবধানে ফের শক্তিশালী ভূমিকম্প আঘাত হেনেছে। ভোরে ৭ দশমিক ৭ মাত্রার শক্তিশালী ভূমিকম্পের পর দেশটির উত্তর সুমাত্রা প্রদ...



হরমুজকে [মার্কিন ডুখণ্ড] হিসেবে ঘোষণা করতে চান ট্রাম্প

ইরানকে যুদ্ধে পরাজিত করার পর পারস্য উপসাগরের গুরুত্বপূর্ণ জলপথ হরমুজ প্রণালিকে মার্কিন ডুখণ্ড হিসেবে ঘোষণা করতে চান মুক্তরাষ্ট্রের প্রেসিডেন্ট...



ভারত সফরে আসছেন ইরানের প্রেসিডেন্ট

আসন্ন ২০২৬ সালের ব্রিকস সম্মেলনে যোগ দিতে ভারত সফর করবেন ইরানের প্রেসিডেন্ট মাসুদ পেজেশকিয়ান। ইরানি সূত্রের বরাতে এ তথ্য জানিয়েছে এশিয়ান নি...

Copyright Dhaka Probe

অনলাইন সংস্করণ পড়তে ভিজিট করুন: <https://dhakaprobe.com/international/muslim-jatrider-jnj-markin-bimanbndre-bschhe-ojur-bishesh-bjbstha>